



Dowlad Goboleedka Gobolada
Dhexe

Xafiiska Madaxweynaha

SUMAD: DGGD/ 0148/2017

War-saxaaafadeed

Taariikh: 22/07/2017

Degmada Xeraale taariikh ahaan 10-kii sano ee ugu danbeeyay dadka Soomaaliyed waxay ku yaqaaneen in ay tahay Xarunta Ahlu sunna wal jamaaca Saldhigna u ah ladagaalankii looga xoreeyay G/Dhexe kooxihi Argagixisada ahaay, dadka daganina waa kuwii ilaahay ku badbaadiyey Gobolada dhexe dhanka diinta iyo duunyadaba, sidaas darteed Maamulka G/dhexe Ma ogolo in wax la gaarsiyo ama iyagu wax is gaarsiyaan.

Dowlad Goboleedka Gobolada Dhexe (DGGD) wuxuu ku cadeynayaa qodobada hoose xaqiiqada dhabta ah ee dagaalkii ka dhacay degmada Xeraale:-

1. Isku dhac labo jufo ee degto degmada xeraale keenayna dhimasho hal nin iyo dhaawac kuwa kale arinkaas waxaa siyaasadeeyay Maamulka Degmada Cadaado iyagoo abaabulay jufadii ninku ka dhintay kuna bixiyay dhaqaale iyo hub si aysan heshiis u qaadan.
2. Waxaa u yimid DGGD Odayaal dhaqmeed, Culumo iyo saraakiil ka tirsan jufada ninku ka dhintay kana codsaday in la heshiisiyo iyaga iyo walaalahooda ay wax kala gaareen loona soo diro Ciidan, culumo iyo Cuqaal waana ka aqbalay Maamulku wuuna u diray, waxaana ka hor yimid dhalinyaro uu soo abaabulay Maamulka Cadaado laguna soo hubeeeyey gawaari tikniko ah iyo saanad ciidan say u la dagaalamaan Ciidanka Maamulka.
3. Kooxii uu soo abaabulay Maamulka Cadaado ayaa gogoshii iyadoo fidsan weerar ku soo qaaday ciidankii sugayey amniga wada hadalka kuna dilay askari kuwa kalana dhaawacay, isla markiina weerar ku qaaday fariisimaha ciidanka DGGD.
4. Maamulka Cadaado ayaa hubka iyo gawaarida la jaray ka soo dhiibayay Cadaado warbaahintana marinayay hadalo colaad hurin ah sida hadalkii Axmed ducaale (Xaaf) uu ku yiri “ waa in Ciidamada Ahlussunna laga saaro xeraale” weerarna ku soo qaaday Degmada xeraale iyo Mareergur iyagoo adeegsanayo Ciidankii DFS sida ciidamada NISA oo soo weeraray Mareergur **21/07/2017**.
5. Waxay ka abuureen degmada xeraale iyo Mareergur amni darro waxayna dhiiri galiiyan Al-shabaab oo ah cadawgii laga xoreeyey G/Dhexe kuna farxaya cikastoo weerar ku soo qaado.
6. DGGD waxa uu ku dadaalayaa walaaleynta Shacabka G/Dhexe wuxuuna ugu baaqayaa shacabka degan Degmada Cadaado iyo Godinlabe oo ay dagaalka ka soo qadayaan Maamulka Cadaado ineysan ka raali noqon isku dirka shacabka G/Dhexe.
7. DGGD wuxuu ugu baaqayaa labada jufo ee uu dhibku ka dhix dhacay in ay gogosha wada hadalka dib ugu soo noqdaan ayna iskana daaweyaan waxa ay kala tirsanayaan.
8. DGGD wuxuu ugu baaqayaa DFS ee cusub ineysan qaadin wadadii Dowladii ka horeysay ayna joojiso Ciidanka Qaranka oo loo adeegsanayo isku dirka beelaha walaalaha ah iyo la dagaalanka Maamulkii ka xoreeyey G/Dhexe Khawaarijta Al-shabaab.

MAHADSANIDIIN.